

SEDMIČNI PREGLED AKTIVNOSTI SUDA BIH

Odjel I, II i III

(10. – 14. juna 2024.)

- Sud BiH je 8.6.2024. u predmetu **Ramiz Duraković i dr. (S1 2 K 048265 24 Krn)** donio rješenje kojim je prihvaćen prijedlog Tužilaštva BiH te osumnjičenom **Ramizu Durakoviću određen pritvor** koji po ovom rješenju može trajati najduže mjesec dana, računajući od dana lišenja slobode, odnosno do **7.7.2024. godine** ili do nove odluke Suda, a zbog postojanja posebnog pritvorskog razloga iz člana 132. stav 1. tačka a) ZKPBiH.
- Odlučujući o prijedlogu Tužilaštva BiH, Sud je 8.6.2024. u predmetu **Marko Ikić (S1 2 K 047542 24 Krn)**, nakon održanog ročišta, donio rješenje kojim je prihvaćen prijedlog Tužilaštva BiH te osumnjičenom **Marku Ikiću određen pritvor**, koji po ovom rješenju može trajati najduže **mjesec dana**, računajući od dana lišenja slobode, odnosno do **7.7.2024.** ili do nove odluke Suda, a zbog postojanja posebnih pritvorskih razloga propisanih članom 132. stav 1. tačke a) i b) ZKPBiH.

PONEDJELJAK, 10. juna 2024. godine

- Sud je 10.6.2024. u predmetu **Mariem Sifi (S1 3 K 039040 20 K)** nakon održanog ročišta za razmatranje sporazuma o priznanju krivnje i prihvatanja istog od strane Suda, donio presudu kojom je optužena **Mariem Sifi oglašena krivom** što je radnjama opisanim u izreci presude počinila krivično djelo krijumčarenje ljudi iz člana 189. stav 3. u vezi sa stavovima 1. i 2. KZBiH, a u vezi sa članom 29. KZBiH. Sud je optuženoj izrekao kaznu zatvora u trajanju od **jedne (1) godine**, u koju se uračunava vrijeme provedeno u pritvoru, kao i vrijeme provedeno u ekstradicionom pritvoru.

U istom predmetu Sud je 13.6.2024. donio rješenje kojim je optuženoj **ukinut pritvor** određen ranijim rješenjem ovog Suda.

- Sud je **10.6.2024. godine** u predmetu **Branislav Živković (S1 3 K 048266 24 Eks)**, u postupku izručenja potraživanog, po međunarodnoj difuznoj potjernici NCB Interpolu Beograd, Republika Srbija, odnosno NCB Interpolu Sarajevo,

odlučujući o zahtjevu za privremeno lišenje slobode potraživanog donio **rješenje** kojim je potraživanom **Branislavu Živkoviću određen ekstradicioni pritvor** zbog postojanja opasnosti da će potraživani izbjeći postupak izručenja ili provođenja izručenja, u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima.

Ekstradicioni pritvor po ovom rješenju može trajati najduže šest (6) mjeseci od dana lišenja slobode potraživanog, odnosno od 9.6.2024. do 9.12.2024. godine, tj. do izvršenja odluke o izručenju ili do nove odluke Suda.

PREDMET	SUDIJA/VIJEĆE	ROČIŠTE
Odjel II Ljubomir Zelenović i dr. S1 2 K 040738 24 K	<i>Izo Tankić</i>	Saslušanje dva svjedoka po prijedlogu Tužilaštva
Odjel I Senad Bužimkić i dr. S1 1 K 022343 23 Kri	<i>Željka Marenić Tanja Curović Minka Kreho</i>	Saslušanje tri svjedoka po prijedlogu Tužilaštva
Odjel I Ćamil Ramić i dr. S1 1 K 031399 19 Kri	<i>Minka Kreho Željka Marenić Tanja Curović</i>	Saslušanje jednog svjedoka po prijedlogu Tužilaštva
Odjel I Zoran Nešković i dr. S1 1 K 003410 22 Kri	<i>Zoran Božić Šaban Maksumić Vesna Jesenković</i>	Ulaganje materijalnih dokaza Tužilaštva
Odjel III Suvada Halilović i dr. S1 3 K 044736 23 K	<i>Hasija Mašović</i>	Nastavak glavnog pretresa, izvođenje dokaza odbrane, saslušanje dva svjedoka.

UTORAK, 11. juna 2024. godine

- Sud BiH je 11.6.2024 u predmetu **Rahmatullah Umar (S1 3 K 048272 24 Eks)** u postupku izručenja potraživanog **Rahmatullaha Umara**, po međunarodnoj difuznoj potjernici NCB Interpola Beograd, odnosno NCB Interpola Srajevo, odlučujući o zahtjevu za privremeno lišenje slobode potraživanog, donio rješenje kojim je potraživanom **Rahmatullahu Umaru određen privremeni pritvor**, koji po ovom rješenju može trajati najduže **18 (osamnaest) dana** od dana lišenja slobode potraživanog, odnosno do **27.6.2024.** ili do nove odluke Suda.

PREDMET	SUDIJA/VIJEĆE	ROČIŠTE
Odjel I Dževad Mlaćo i dr. S1 1 K 047075 24 Kri	Tanja Curović Željka Marenić Minka Kreho	Saslušanje dva svjedoka po prijedlogu Tužilaštva
Odjel I Vinko Radović i dr. S1 1 K 047153 24 Kri	Maksumić Šaban Zoran Božić Vesna Jesenković	Statusna konferencija
Odjel II Nemanja Filipović S1 2 K 035077 24 K	Biljana Ćuković Izo Tankić Stanko Blagić	Saslušanje tri svjedoka po prijedlogu Tužilaštva
Odjel I Pero Radić i dr. S1 1 K 034308 20 Kri	Kreho Minka Željka Marenić Tatjana Kosović	Saslušanje svjedoka po prijedlogu Tužilaštva
Odjel I Slobodan Peković S1 1 K 044740 23 Mpom	Vesna Jesenković	Saslušanje tri svjedoka videolinkom, pružanje međunarodne pravne pomoći
Odjel III Hasan Alibašić S1 3 K 047672 24 Kps	Šaban Maksumić	Ročište povodom dostavljenog sporazuma o priznanju krivnje
Odjel III Mješoviti holding S1 3 K 036413 24 Kž	Amela Huskić	Sjednica apelacionog vijeća povodom izjavljene žalbe Tužilaštva BiH protiv prvostepene presude od 27.12.2023.

SRIJEDA, 12. juna 2024. godine

- Sud je 12.6.2024. u predmetu **Dalibor Railić i dr. (S1 2 K 044546 23 K)**, van ročišta, donio rješenje kojim se utvrđuje da i dalje postoje okolnosti koje opravdavaju primjenu mjere pritvora optuženim **Daliboru Railiću, Aleksandru Miljatoviću i Igoru Repajiću** i to iz razloga propisanih odredbom članom 132. stav 1. tačke a), b) i c) ZKPBiH. Pritvor po ovom rješenju može trajati do **12.8.2024.** godine ili do nove odluke Suda.

PREDMET	SUDIJA/VIJEĆE	ROČIŠTE
Odjel I Đuro Matuzović i dr. S1 1 K 024158 17 Kri	<i>Minka Kreho</i> <i>Željka Marenić</i> <i>Tatjana Kosović</i>	Saslušanje dva svjedoka po prijedlogu odbrane drugooptuženog
Odjel I Mustafa Stovrag S1 1 K 033885 19 Kri	<i>Kreho Minka</i> <i>Željka Marenić</i> <i>Tanja Curović</i>	Čitanje iskaza preminulih svjedoka po prijedlogu Tužiteljstva
Odjel II Bojan Cvijetić i dr. S1 2 K 046336 23 K	<i>Izo Tankić</i> <i>Biljana Ćuković</i> <i>Stanko Blagić</i>	Nastavak saslušanja svjedoka po prijedlogu Tužilaštva uz prezentiranje sadržaja iz Sky i Anom aplikacije

ČETVRTAK, 13. juna 2024. godine

- Sud je 13.6.2024. u predmetu **Mario Bedeković (S1 3 K 048200 24 Eks 2)** u postupku izručenja potraživanog **Marija Bedekovića** po međunarodnoj crvenoj potjernici NCB Interpola Atina, Grčka, odnosno potjernici Interpola NCB Sarajevo, raspisanoj u cilju krivičnog gonjenja potraživanog pred nadležnim organom države moliteljice, odlučujući o produženju mjere privremenog pritvora potraživanom, donio rješenje kojim je potraživanom produžen privremeni pritvor, određen ranijim rješenjem ovog Suda. Privremeni pritvor potraživanom po ovom rješenju može trajati do dostavljanja molbe za izručenje i ekstradicione dokumentacije od strane države moliteljice, ili do nove odluke Suda, a najduže **40 (četrdeset) dana** računajući od dana lišenja slobode, odnosno od **1.6.2024.** do **10.7.2024.** ili do nove odluke Suda.
- Sud je **13.6.2024.** u predmetu **Milan Strinić (S1 3 K 0 048304 Eks)** u postupku izručenja potraživanog **Milana Strinića** po međunarodnoj potjernici NCB Interpola Zagreb, Republika Hrvatska, odnosno potjernici Interpola NCB Sarajevo, zbog sumnje da je počinio krivično djelo razbojništvo iz člana 230. Krivičnog zakona RH, odlučujući o određivanju mjere privremenog pritvora potraživanom, donio **rješenje** kojim je **odbio** zahtjev države moliteljice za privremeno pritvaranje potraživanog sadržan u međunarodnoj potjernici NCB Interpola Zagreb. Istovremeno, potraživanom **Milanu Striniću** određene su **mjere zabrane**, i to: **zabrana putovanja van Bosne i Hercegovine** i **zabrana napuštanja boravišta**. Izrečene mjere zabrane mogu trajati dok za tim postoji potreba, a najduže do okončanja ovog ekstradicionog postupka ili drugačije odluke Suda, s tim da će se kontrola opravdanosti izrečenih mjera

zabrane vršiti svaka dva mjeseca od donošenja posljednjeg rješenja o mjerama zabrane.

- Na ročištu za izjašnjenje o krivnji, održanom 13.6.2024. u predmetu **Ahmet Kulović (S1 2 K 045863 24 Ko)**, optuženi **Ahmet Kulović** izjasnio se da **nije kriv za** krivično djelo za koje se tereti optužnicom Tužilaštva BiH - organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. Krivičnog zakona Bosne i Hercegovine.
- Sud je 13.6.2024. u predmetu **Milan Rašević i dr. (S1 2 K 048218 24 Krn)** kojim je osumnjičenim **Milanu Raševiću, Danijelu Dragašu, Branku Dragašu, Milanu Lazareviću i Draženu Salamadiji, određen pritvor** zbog postojanja, kako općih tako i posebnih pritvorskih razloga propisanih članom 132. stav 1. tačka a) Zakona o krivičnom postupku BiH, a u odnosu na osumnjičenog **Milana Raševića** i iz posebnih pritvorskih razloga propisanih članom 132. stav 1. tačka b) ZKPBiH.

Pritvor po ovom rješenju može trajati najduže mjesec dana od dana lišenja slobode, odnosno do 11.7.2024. ili do nove odluke Suda.

Navedene osobe iz ovog predmeta su osumnjičene da su počinile krivično djelo organizirani kriminal iz člana 250. stav 3. Krivičnog zakona Bosne i Hercegovine (KZBiH), u vezi s krivičnim djelom neovlašteni promet opojnim drogama iz člana 195. KZBiH.

PREDMET	SUDIJA/VIJEĆE	ROČIŠTE
Odjel II Ahmet Kulović S1 2 K 045863 24 Ko	<i>Minka Kreho</i>	Ročište za izjašnjenje o krivnji
Odjel I Džemal Hadžić i dr. S1 1 K 027423 18 Kri	<i>Minka Kreho</i> <i>Željka Marenić</i> <i>Tanja Curović</i>	Ulaganje materijalne dokumentacije Tužiteljstva
Odjel II Srpko Vučenović S1 2 K 020583 24 Kžk	<i>Staniša Gluhajić</i> <i>Darko Samardžić</i> <i>Amela Huskić</i>	Izricanje drugostepene presude
Odjel II Sanel Ibrahimović i dr. S1 2 K 044830 24 K	<i>Jasmina Ćosić Dedović</i>	Provođenje dokaza Tužilaštva saslušanjem dva svjedoka

Odjel III Dženan Aljukić S1 3 K 035916 24 Kps	<i>Dragan Vukajlović</i>	Ročište povodom izjašnjenja o krivnji optuženog
--	--------------------------	---

PETAK, 14. juna 2024. godine

PREDMET	SUDIJA/VIJEĆE	ROČIŠTE
Odjel I Zdravko Čvorić S1 1 K 048037 24 Kro	<i>Zoran Božić</i>	Ročište za izjašnjenje o krivnji
Odjel III Mladen Cvjetinović i dr. S1 3 K 035443 24 Kž	<i>Hilmo Vučinić</i> <i>Darko Samardžić</i> <i>Amela Huskić</i>	Sjednica vijeća Apelacionog odjeljenja
Odjel I Jovo Jandrić i dr. S1 1 K 044249 23 Mpom	<i>Dragan Vukajlović</i>	Saslušanje svjedoka videolinkom za potrebe predmeta koji se vodi pred Višim sudom u Beogradu
Odjel III Mladen Cvjetinović i dr. S1 3 K 035443 24 Kž	<i>Hilmo Vučinić</i>	Sjednica apelacionog vijeća povodom izjavljenih žalbi Tužilaštva BiH i optuženih Mladena Cvjetinovića i Zijada Džindića protiv prvostepene presude Suda BiH od 11.12.2023. godine

NEMA NAJAVA ZA NAREDNU SEMICU

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	7	13
Organizirani kriminal	0	0
Opći kriminal	0	0

Broj održanih ročišta u sudnicama 3-9	28
Broj zahtjeva za izdavanje AV materijala (Odjeljenje za informiranje javnosti)	5

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: pios@sudbih.gov.ba